



**Antoninus Diana Panormitanus, Clericus Regularis, Doctor  
Celeberrimus, Coram S. D. N. Alexandro VII. Episcoporum  
Examinator, & Sancti Officij Regni Siciliæ Consultor,  
Coordinatus, Seu Omnes ...**

**Diana, Antonino**

**Lugduni, M. DC. LXXX.**

20. An præcise ex vi solius Beatificationis, quod anima Beatificati sit in gloria, remaneat tantum intra latitudinem probabilitatis, & certitudinis moralis? Ex part. 11. tractatu addit. 2. ....

---

[urn:nbn:de:hbz:466:1-76442](#)

## 360 Tract. V. De Infallibilitate Decret.

quis velit ex devotione duo Officia orare, poterit sine dubio de eo Sancto: at neque hoc modo licet omnibus de solum Beatificato orare.

10. Quarta differentia, qua tamen videtur esse accidentaria, est major solemnitas canonizationis pra Beatificatione: haec enim sine villa planè fit; illa vero cum maxima pompa, & cum consensu vniuersali Cardinalium, & Prælatorum, præmissis precibus, & quæsto a Cardinalibus omnibus, aliisque consensu. Haec sunt differentiae inter Beatificationem, canonizationemque; ex quibus breuiter, & solidè deducitur, quid sic dicendum quoad infallibilitatem Beatificationis.

11. His suppositis ab Arriaga, postea sic asserit: Non videtur esse de fide, Papam non posse errare in Beatificatione. Hac est valde communis inter recentiores, qui de beatificatione egerunt: & suadetur meo iudicio ferre evidenter ex secunda differentia *supra* posita: etenim si fide certum esset Beatificatum esse in Cœlo, gratis, immo in iniuriam certitudinis fidei inquireretur; deinde in vitam eius, & noua testimonia exigentur ad probandum cum esse in Cœlo sicut si fuerint iam ad declarandum sanctum Petrum esse Beatum: ergo supponitur res adhuc non esse omnino certa certitudine fidei. Idem secundum probatur ex prima differentia, quia cum Pontifex non utatur in Beatificatione vlo verbo dei otante definitionem ( ex quo maximè *superius* argumentati sumus pro certitudine canonizationis) cessare videtur præcipuum argumentum eius infallibilitatis de fide. Tertiò ex tercia differentia suaderet, nam cum non permittratur cultus eius Sancti pro vniuersali Ecclesia, sed solum pro via aliqua Provincia, nec sit de fide, vnam, aut alteram Provinciam, aut Religionem errare non posse: ideo etiam non desumitur inde tam efficax argumentum pro ea certitudine, quam pro canonizatione. Quarò denique idem probo ex quarta differentia, quia illa ipsa maior solennitas preces illæ communes, assensu ille quasi totius Ecclesiæ, qui in canonizatione reputatur, est quædam dispositio ad hoc, vt Deus Papam errare non permittrat: et quæ generalis Ecclesiæ consensus, perinde ac si in Concilio vniuersali cum Papæ approbatione decidetur veritas aliqua. Hæc autem omnia cessant in Beatificatione: ergo cessat vnum ex maximis fundamentis pro hac certitudine fidei. Et hæc omnia docet Arriaga *vbi supra*.

12. Et tandem huic sententiæ adhæret Turrianus in 2.2. tom. 5. disput. 17. dub. 6. qui tamen optimè, & verè obseruat, in quo omnes conueniunt esse temerarium, & scandalosum, & impium asserere Pontificem posse errare in Beatificatione Sanctorum. Temerarium quidem, quia sentiret contra communem sensum non solum Doctorum, sed etiam omnium fidelium. Item sine idoneo arguento iudicaret Pontificem errare in re tam graui, & ad quam semper præcedunt tot diligentiæ, & inquisitiones prudentes.

13. Deinde in hac materia esset scandalosum, ex qua potest orihi aliquod scandalum in animas fidelium, ut dicimus *suo loco ad questionem primam*. Et certè non posset non poni obstaculum pietati fidelium, si audirent aliquem dicentem, Pontificem errasse in beatificatione aliquiū Sancti.

14. Impium autem dicitur, quia est contra Christianam Religionem, & cultum Sanctis debitum. Et ideo S. Thomas quolibet illo 6. art. ultimo, dixit piè credendum esse, Pontificem non errare in Sanctorum canonizatione. Deinde sicut Bañez, & alii dicunt, sapere hæresim asserere Pontificem errare posse in canonizatione, quia videretur velle negare potesta-

tem canonizandi: ita qui diceret Pontificem posse errare in Beatificatione, esset suspectus de hæretice, quia videretur velle negare potestatem esse in Pontifice ad beatificandum hominem aliquem. Ita Turrianus, & ego.

### RESOL. XX.

*An præcisè ex vi solius Beatificationis, quod anima Beatificati sit in gloria, remaneat tantum intra latitudinem probabilitatis, & certitudinis moralis?* Ex p. 11. tract. addit. 2. Ref. etiam 20.

§. 1. **A**ffirmatiqam sententiam ( attendas quæsi domine Lector ) contra Turrianum solvit nouissime doctissimus Magister Ioan. de S. Th. in 2.2. D. Thom. disp. 9. art. 2. fol. 770. vbi sic ait: Totes tenet, quod esset impium, scandalosum, & temerarium dicere, quod Pontifex posset errare in beatificatione, aut quod anima Beatificati non esset in gloria, esse tamen magis temerarium, & magis scandalosum id affirmare de canonizato, ita solum certitudo canonizati, & beatificati differunt penes magis, & minus intra eamdem speciem.

2. Nihilominus supposita sententia *sup.* probata, quod beatificatio non sit iudicium de sanctitate aliquius, sed solum permisso ut possit publicè coli, & venerari. Existimo Pontificem præcè errare non posse in tali beatificatione; ita quod esset temerarius, & scandalosus, qui talem celebrationem negaret, aut talē cultum non esse exhibendū. Speculatim autem circa veritatem Sanctitatis talis personæ existimo quod ex vi solius beatificationis, id non excedit latitudinem certitudinis moralis, & probabilitatis maxime, ita quod oppositum non esset censura dignum. Et dico ex vi beatificationis præcise quia ex alio capite, v.g. si accedat assensus totius Ecclesiæ, aut maioris partis fidelium, multitudine miraculorum facta in confirmationem eius sanctitatis, & hoc longo tempore sit continuatum, ex hac parte fieri longe certius, & qui negaret sanctitatem talis personæ cum his circumstantiis esset censura temeritatis dignus.

3. Ratio, quæ me præcipue mouet, ea est, quia ut Ecclesia publicè celebret festum de aliquo tanquam de Sancto, sufficit probabilitas & moralis certitudo de sanctitate eius, non verò requiri iudicium, & sententia canonica, ut patet manifestè in celebratione festi Conceptionis Beatae Virginis, quod Ecclesia celebrauit: & tamen ipsam Ecclesia præcepit, ne possit villa censura notari opinio asserens nullus conceptum in peccato originali: ergo ut Ecclesia habeat iudicium practicum certum de celebratione aliquiū Sancti, non requiritur, quod habeat etiam iudicium speculativum certum de sanctitate, sed sufficiat moralis certitudo, aut opinio. Item etiam videntur, quod in materia Religionis, sive virtutum Ecclesia solum opinionem probabili, ut patet in dispensatione voti solemnis, & in dispensatione matrimonij rati non consummati: sicut autem votum pertinet ad virtutem Religionis, ita etiam veneratio Sanctorum ( ut *sup.* declarauimus ) ergo permisso, seu dispensatio, ut aliquis veneretur pro Sancto, non requirit maiorem certitudinem, quam moralē de eius sanctitate.

4. Ad hæc D. Thomas 3. p. 9. 27. art. 2. ad 2. ex eo quod Ecclesia Rom. suo tempore toleraret celebrationem festi Conceptionis, dicit eam consuetudinem non esse totaliter reprobandam, nec aliquid amplius inferit ex tolerantia talis celebrationis; sed beatificatio est concessio celebrationis de aliquo Sancto cum tolerantia

lerantia Sedis Apostolica: ergo ex vi præcisæ beatificationis non infertur, nisi quod talis consuetudo non sit reprobanda, non vero quod sit omnino certum, quod persona beatificata sit in gloria, taliter quod oppositum sit censurabile. Et denique veneratio, qua exhibetur beatificatis aliquando sive permisso fieri ab Episcopis in Ecclesia, & tunc certum est, quod ad venerationem exhibendam alium sufficiat moralis certitudo, nam Episcopi non poterant definire de fide, aut certum reddere, quod illi essent in gloria: ergo de se talis beatificatio non petit nisi moralis certitudinem de aliquius gloria; unde in rigore loquendo, permisso celestandi de aliquo potest stare cum certitudine, quod non sit adhuc in gloria, dummodo constat esse Sanctum, sicut permittit Ecclesia, quod celebretur de Elia in Ordine Carmelitarum, quem tamen constat nondum esse beatum. Aliud est ergo celebrationem de aliquo permettere, aliud iudicare, & habere pro infallibili, quod sit in gloria. Hucusque Iohannes de S.Thoma.

5. Sed ego prorsus puto non esse dicendum à sententiis Turrianis, qui absque villa distinctione loquitur, sicut loqui sunt Doctores, qui post illum scripserunt, & idem eius sententiam docet etiam Franciscus Del Castillo Ordinis S. Francisci ex Regulari Obligatione in l.3 sent. tom.2. disp.16. quaest.8. num.3. sic alterius: Sed inquires qua censura dignus sit, qui negaret animam Sancti beatificati esse beatam? Respondet cum Montesino, quod etiam id negare esset impium, & temerarium; nam intra idem genus propositionis damnablem, potest vna esse magis temeraria, quam alia, & magis piarum aurium offensiva sit magis impium, & temerarium esset negare beatitudinem animas Sancti canonizati; sed non ideo desineret esse temerarium, & impium hanc negare anima beatificata. Ita ille. Cui addit sapientissimum Patrem Rodericum Arriaga in curs. Theolog. tom.5. disp.9. sect.6. num.55. Franciscum Sylvium in contr. lib.4. quaest.2. art.15. & Patrem Amicum in curs. Theol. tom.5. disp.7. sect.4. num.99. vbi sic ait: Cum Beatificatio sit potissimum medium ad canonizationem est enim via ad illam: vt Pontifices in Bullis beatificationis declarantemarium esset, & errori proximum negare beatificatum esse in Cœlo; nam licet illud Pontifex non definias, eum tamen colendum proponit alicui Provincie, vel Religioni quoque ad eius canonizationem veniat. Ita ille Cui etiam addit nostrum doctum Patrem Vericelli in gg. moral. tr.8. q.25 n.3. adharentem Turrianum, & probantem sanctitatem Beatificati non remanere intra latitudinem certitudinis moralis, & hoc negare esset temerarium, scandalosum, &c.

6. Iraquo dicendum est cum Arriaga, quod Pontifex videtur implicitè definire, vel saltem supponere beatum sive in Cœlo. Et ideo omnes Catholici, eo ipso quod aliquis sit beatificatus, nullatenus sit illius sanctitate dubitans, licet haec sanctitas talis personæ beatificata non sit certa de fide, sicut etiam non pertinet secundum aliquos directe ad fidem, quod sit beata anima Sancti canonizati, tamen hoc negare esset magis impium, & temerarium, quam si negare tur de anima beatificati. Unde Trullench in Decal. tom. lib.1. cap.9. dub.5. n.5. sic asseruit: Est impium, temerarium, & scandalosum negare Sanctum beatificatum esse in gloria, & similiter negare Sanctum canonizatum esse in gloria, sed hoc magis temerarium, magis scandalosum, & magis impium propter maiorem diligentiam inquisitiones, & probationes, quæ sunt ante canonizationem, quam sit diligenter, inquisitio, & probatio, quæ sunt ante beatificatio-

nem. Unde sit quando aliquis semel beatificatur à Summo Pontifice, nullus in toto orbe terrarum potest sine temeritate dubitare de gloria Alius Sancti. Ita ille. Qui n.3 recte obseruat quod per canonizationem, & beatificationem cognoscitur hominem defunctum esse in gloria, per canonizationem quidem in forma declarativa, & pronuntiatione, per beatificationem in forma induxtina, & concessuaria.

7. Ex quibus omnibus appetere contra Ioan. de S. Thoma ex vi beatificationis sanctitatem beatificati non remanere, ut ipse putat intra latitudinem probabilitatis, & certitudinis moralis; unde contra ipsum contrarium assertere dicendum est esse censura dignum.

8. Restat modò respondere ad argumentum de festiuitate Conceptionis B. Virginis, quod adducit à S. Th. Dico igitur in isto casu Pontifices aperte, & claris verbis in suis Bullis relinquere certitudinem illius festiuitatis intra limites probabilitatis. Sed in nostro casu, vt probant Doctores à nobis citati, contrarium appetit; nam per decreta beatificationis, saltem implice, & inchoatiue determinatur sanctitas personæ beatificatae. Ergo contra Io. à S. Thoma dicendum est sanctitatem, & gloriam beatificati non remanere intra latitudinem probabilitatis, ac certitudinis moralis; unde sequitur neminem etiam ex vi tantum beatificationis posse dubitare de gloria, & sanctitate eius quem Pontifex beatificauit.

#### RESOL. XXI.

*Dubium incidentis: An posito, quod Pontifex concedit aliquibus determinatis personis, & sub determinato aliquo ritu venerari Sanctum Beatificatum, possint alij omnes licet vti tali concessione?*  
*Et an licet transferre diem S. Beatificati, qui designatur pro celebratione? Ex part. 11. tract. addit. 2. Resol. etiam 21.*

§.1. **A**ffirmatiuam sententiam nominatum contra Sip. hoc in opus. de sacrific. Missa lib.2. cap.6. §.8. num.15. quia, ait ille, cum vna Missa eiusdem sit valoris, & dignitatis ac alia qualibet, statim atque Pontifex declarat talem Beatum dignum esse vna Missa, que dicatur ab vna determinata persona, declarat illum esse dignum omnibus ceteris Missis à quocunque, & quodmodocumque celebrandis. Si igitur remanet sic dignus declaratus, non est vnde quilibet Sacerdos impediat illum per suas Missas venerari, nec venerabitur sine Sedis Apostolica authoritate; hæc enim ibi intercedit per illam declarationem, qua dignus Missa declaratus est Beatus. Hinc infert posse quilibet eius imaginem adorare, adorandum in Altari constitutuere, publicis processionibus circumferre (adde & eius collectam) seu commemorationem facere in Missa, infra annum. Ratio est, quia hi cultus longè inferiores sunt Missa; quare si hunc Pontifex concedit, concedit & illos. Ita Tamburinus, qui citat Fagundez a me alibi adductum, quibus nunc addo: Alibi in multa Quintanaducenta tom.1. tr.6 singul.5.n.2. cum seq. In alia Ref. aut loco pro hac quaest. author præ-Gauantum à me alibi adductos, nostram sententiam citatum hic sustinet Pater Amicus in curs. Theol. tom.5. disputat. 7. Fagundez sect.4. num.100. vbi sic ait: Canonizatis in eorum cultum, & honorem erigi possunt templum, ab omnibus sacrum offerri, & officium recitari: Beatificatis vero nec templum erigi possunt, nec ab omnibus adduxit;

Tom. IX.

H h sacram